



Hmasawanna Thar

(A N I N D E P E N D E N T D A I L Y N E W S P A P E R)

Regd. No. RNI - 40917/89 | Postal Regd. No. MNP - 67

Contact Numbers pawimaw :
DC/CCPur : 03874-234234
SP/CCPur : 03874-236747
Police Station : 03874-202248
SP Control Room: 03874-233239
Dist. Hospital Casualty : 03874-233370
Fire Brigade : 8974 147 799/
8258 057 887 / 8974 103 600



Hmasawanna Thar Vol - 32/110

Churachandpur

email : hmasawnnatharnews@yahoo.com

Phone: +91-3874-236846

Rs 6/- per copy



Mthriem han hing le ruo nasa taka ei satthluk lein boruok sik le sa nasa takin a hung inthlaktheng bakah khawvela lumna a kam telin a zuol pei a nih. Tlangrama cheng han kum tin thing le ruo satthluka bu le thlai ching ei pi le pua inthawka ei la sunzawm pei hi tulai khawvela ding chun bansan dan lampui dap a hun ta hle. Thing le ruo ei satthluk a, ei ram a pawn pei lei hin ei khawvel lumna nasa takin a sukzuol bakah natna hriet ngailo tam tak a hung pieng a, ei vadung tuihnar hai a kangchat pei lein tui tuah harsatna nasa tak ei tuok mek ta a nih. Tul lo baksaka thing le ruo phurthluk lem chu ei sim hmak a hun ta a nih.

Vawisun Parliament Budget Session tan ding; February 1-ah General Budget phar ning a tih

NEW DELHI: Vawisuna inthawk hin Parliament Budget Session tan ning a ta, Lok Sabha le Rajya SaAbha Joint Session-ah President Pranab Mukherjee in thu hril a tih. Parliament Budget Session tan ni hin Economic Survey reprot pek ning a ta, General Budget chu Feb. 1, 2017 ah phar ning a ta, tuta Parliament Session a inthawk hin Railway Budget a hrana phar ni ta naw ni a, General Budget-ah a thangsa vawng ta ding a nih. Parliament Budget Session sung hin hrilthang ding le pasi dingin Bills 34 phar tum a nih. Hienghai lai hin Ordinance 3 (Economic Property, Payment of Wages le Specified Bank Bank Notes) thang sang a tih. Dan pawimaw hrilthang sa ding hai lai Good and Services Tax, Central Goods and Services Tax (Compensation for loss of revenue) le Integrated GST hai thangsang a tih. Parliament Budget Session nei ding le inzawm hin zanikhan All Party meeting nei a ni a, hi meeting a hin PM Narendra Modi, Union Ministers Rajnath Singh, Arun Jaitley, Anant Kumar, Congress thuoiu Ghulam Nabi Azad, JD (U) thuoiu Sharad Yadav, AIADMK thuoiu dang dang hai an thang a. TMC le Shiv



Sena thuoiutuhai ruok chu an thang nawh. Parliament Session hi tuong taka a fe theina dingin PM Modi chun Selkaltu Pawl thuoiutuhai thlawp dingin a ngen. Zani zan khawm khan Lok Sabha Speaker Sumitra Mahajan chun party tina thuoiutuhai meeting a neipui a, Parliament Session hi buoina um lova tuong taka a fe theina

khan Congress sawrkar chun election zo hmakhat chu budget phar lovin a postponed tiin all party meeting zova Parliament Library building-a report-er-hai an hmupui huna a hril. Chun, an party chun Demonetisation, Line of Congtrol a Cease-fire agreement bawsietna le India rama Security ngirhmun chungchang hai an phawrlang el thei niin a hril. Trinamool Congress (TMC) chun Demonetisation dodalnain Parliament Session a ni khatna le a ni hnina haiah an thang naw ding thu le an MP-hai manna chungchang an phawrlang ding niin thsuok an siem.

BJP in ticket thuah Muslim hai hnawl nia intumna a hniel

IMPHAL: Manipur Assembly Election hung um dinga party ticket pekna chungthua Muslim hnam hai hnawl an nih tia intumna um chu BJP Manipur chun an hniel a, election-a BJP in hrana a chang neig thei dan ding ngaituo a, chu dungzuia candidate ding thlang le ticket pek an nih

chun candidate thlang kangah hrat thei dan ding a ngaipawimaw tak a nih tiin a, ticket pek danah Muslim hnam hai hnawl an nih tia intumna chu thu diklo a ni thu a hril. BJP in Manipur Assembly seats 60 haia inthlangna hung um dinga first candidate list 31 an puong

Trucks 300 Imphal an hunglung

IMPHAL: Zani zingkar inhma taka Security escort khau tak hnuoia Jiribam suoksana Imphal pana hung Trucks 300 hai chu zani zan khan Imphal an hunglung tawl. Truck-hai lai hin Petrol phur 26, Diesel phur 25, LPG phur 13, Diesel phur 25, LPG

CHANCHIN LAKTAWI

Sponsor student han lekhabu lak thei

CCPUR: Sielmat Christian Higher Secondary School (SHSS) a Sponsor students Class I-VIII inkar textbook la lakimlo hai ta dingin January 31, 2017, 10:30AM to 3:30PM inkar sung hin Partnership Mission Society (PMS) Office-ah lak thei ning a tih tiin Sponsor Department, PMS Office chun inhrietirna a siem.

Hospital Septic tank pipe a te

CCPUR: District Hospital, CCPur eastern Block-a Septic tank a lut pipe chu zanikhan a te lein ek thang nengnungin a luongsuok a, a bul vela um hai ta dingin harsatna nasa tak an thun pha. Hi lai hmun hi tuta hma khawmin a lo te ta hlak a hril a nih. Thuneitu han an hmantienga an enfel le an siemthat thiltha a ni ring a um.

Kim Joe a sem hrat tak an la nih

CCPUR: Manipur-a Economic Blockade um hnunga nitin mamaw bakah thautui le Gas hai duthusama phurlut thei lova a um hnungin an sem nuhnung taka khan M/s Kim Joe Gas Service, Nehru marg, CCPur chun Nov. 17, 2016 chena booking an sem ta a. Gramin Vitrak Agency a thar le Agency chin hai ti loa chun Manipur-a Gas Agency puitling hai laia sem hrat tak an la nia hriet a nih. Sialgenthang & Sons Gas Agency chun an Nov. 11, 2016 chena booking an sem tah.

GAS NEWS
Agency: SAS
Booking: 11th. Oct. 2016. to 11th. Nov. 2016
Delivery :31-01-2017 (TUE)
Time : 8AM- till stock
STOCK : 290
Rate: Rs. 737/-

DHS hmalaknain Sparsh Leprosy Awareness

CCPUR: District Health Society (DHS), CCPur huoihawtnain January 30, 2017, 11AM khan CMO Conference Hall, CMO Complex-ah Sparsh Leprosy Awareness Campaign, 2017 nei a nih. Hi huna hin Mr Langkhanpau Guite, Chairman, ADCC khuollienin a thang a, Dr J. Son Goukham Samte, Medical Superintendent, District Hospital, CCPur le Dr Kim Simte, CMO, CCPur hai chu guest of honour le functional president in an thang. Hi hun hmangnaa hin India hnam pa Mahatma Gandhi inzana le sunna



hun hmang a ni a, Dr Kim Simte in welcome address a hril a, Dr J. Son Goukham Samte in thuhril tawi hun a hmang a, hi zo hin Mr Langkhanpau

Mr Langkhanpau Guite in thu a hrilnaah, CCPur district sunga Phar (leprosy) natna sukbona dinga Mahatma Gandhi anga tiradkna thang der lova hma latuhai an pak thu a hril a. Khawvel thiemna an sang pei angin Phar natna khawm inveng thei le sukdam thei a hung ni ta thu a hril a. Manipur pumpuiah kum 1983 a inthawk Phar natna invawi mi 8,623 hmu an ni a, CCPur District a chun kum 2004 a inthawk Phar natna invawi mi 25 hmu anni a, hi laia mi pakhat a dam fel vawng ta a, mi 24 hai treatment pek mek an la nih tiin a hril.

ZPYF in Diamond Jubilee an hmang



CCPUR: Zou Presbyterian Church Synod hnuoia Zou Presbyterian Youth Fellowship (ZPYF) chun Jan. 30, 2017, 9:00AM khan Zou Synod Compound, Zomi Colony-ah Diamond Jubilee lawmna hun an hmang. Hi le inzawm hin zani zingkar 6:00AM khan Jubilee marathon nei a ni a, Jubilee lawmna hi 9AM a inthawk tan a ni a, hi huna hin thuoiu hmasa lo thi ta hai

Feb. 1 a inthawk bituk um ta lo ding

NEW DELHI: February 1, 2017 a inthawk ATMs, Current Accounts, Cash Credit Accounts le Overdraft Account haia inthawk pawisa lak theizat bituk um chu hlip le suktawp ni tang a ta, Saving Accounts a mi ruok chu ni dang ang bawkin a pangngaiin a la fe pei ding a nih tiin Reserve Bank of India (RBI) thusuok chun a hril. Election Commission chun Election hung um dinga candidate han sum le pai thua harsatna an tuok nawna dingin candidate hai

PREPAK cadre pakhat man

IMPHAL: Imphal West Police Commando han zanikhan Monsangei Boroimhuna PREPAK cadre pakhat S/S Lance Corporal Wahengbam Ajay Singh @ Malemngakpa, s/o W. Ibocha Singh of Mayang Imphal Anilongbi niin ei thu dawngna chun a hril. Mr Ajay hin Major Roger of Uripok fethelnga April, 2012 a kha PREPAK zawm a ni a, Myanmar-a Henching training centre a intahwka training zo, chawlkhar khat vel liemtaa inthawka kha Kachin a inthawka hung suok a nih.

GM Hall-ah Martyrs Day

IMPHAL: State sawrkar huoihatnain zanikhan India hnam Pa Mahatma Gandhi thi champpha vavi 69-na le inzawmin Gandhi Memorial Hall, Imphal-ah Martyrs Day ursun taka inser a nih. Hi hunsera hin Governor Dr Najma A. Heptulla,

In pakhat a kang vawng

IMPHAL: Zani zingkar 10:45AM vel khan Imphal East district sunga Hatta Golapati playground bul laia In pakhat chu kangmei suokin a kang a, traffic a jam nasa lein Fire Brigade

NLE Programme hi Gandhi hriet zingna a thaw a nih: Prime Minister

NEW DELHI: Zani kha Anti Leprosy Day ani a, India ram hmun tum tuma hai chun ursun taka hmangna nei a nih. Kum 1948 a India pa Mahatma Gandhi in martyr a chang hriet zingna dinga Anti Leprosy Day chu hmang hlak ani a, Inpharna hri invawi hai Gandhi in a ngaituo zie le anni thangpui dinga an pekna hai suklang le hriet zing nia hmang hlak a nih. Ramsung hmun hrana Gramsabhas a hai Leprosy awareness cam-



paign huoihawt a ni a, inpharna hri chu Mycobacterium leprae leia tung natna chikhat niin, vun le thizam hai ah a nghawng anlang deu tak hlak a nih. Anti Leprosy Day le inzawma Prime minister

Narendra Modi in thucha a hrilna a chun, inpharna hrihawt chu suklam thei ani thu a hril a, India rama inthawk sukbo vawng ani theina dinga mipuihai chu thang tlang dingin a fiel a nih. Inphar suklam hai socio-economic a sukhamawng an ni theina dingin ram mipuihai inthuruol taka thaw dingin PM chun a fiel a, hieng natna invawitu hai chu endawng el lovin, Mahatma Gandhi in beiseina a nei anga pangngai taka an ngirsuok thei a pawimaw thu a hril. Inpharna sukbo dinga hmalakna National Leprosy Eradication Programme chu Mahatma Gandhi hriet zingna dinga siem ani thu PM chun a hril bawk. National Leprosy Eradication Programme chu 1955 a kha hawngna nei niin, hi programme hnuoia hmalakna zara phar hlawtling taka enkaw an um mek lain, ensinna neina ah inpharna nei thei ding ngirhmuna um chu an la thahnem hle tho a nih.

VAWISUN THUPUI

Mi nunrawng chu inhnar naw la, a lampuihai hrimhriim chu thlang ngai naw rawh. Khelihnpina hi lalpa ngaia chun tirdakum a ni si a; a thurawn ruok chu mi indik kuomah a um. Lalpa tawngsie chu mi khawlo ina chun a um a, mi fel chengna ruok chu mal a sawm hlak. - Thuvahai 3:31-33

Editorial

Mipui sie lal ta inla

Manipur mipuihai chun hungtlung ding March 4 le 8 hai khin Assembly Constitucencies 60 a MLA ding hai thlangna ei nei ding a nih. Hi inthlang hi ni 2 sung chau nisienla khawm kum 5 sung sawrkur ding a hril el bakah, ei ram le hnam hmatieng hun hritluo ding a ni leini tu kuma ding chun March 4 le 8 hai hi ni pawimaw an nih. Vote thlaktu hai po po hi ei ram um dan ding le a fedan dingah mawphurna ei nei seng a nih. Buoina lien tham tak leia vote thlak thei hoi hai ti lo chu, vote thlak ngai lo hai hin ei ram fe dan dingah iengkhawm hril thei an einaw a, inrawlnding khawm an nei der nawh. Chuleiin ei ram thuoit, ei thlangting le thlangting zonawhai fe danah ei lungawi naw khawma inthlangung naw taka ngaidan ei hril ve ngamma ding hrim hrim in vote ei thlak a tul a nih.

Vote thlak hi khuo le tuihai thaw ding a nih. Vote thlak hi ei rights cho a ninaw a, ei duties a nih. Chu umzie chu vote thlak hi ei mawphurna, ei thaw ding chau ni lo a, ei thaw ngei ngei ding le ei mawphurna a nih. Tum ei vote ding ti thua khawm hin ei chieng a ngai. Vote thei ding tu tum an um a, ieng ang mi am an na ti chu vote nei han ei hriet a tul a, hrie ngei dinga hma ei lak ding a ni bawk. Ei vote ding chu Pathien ti mi a ni ding a nih. Pathien ti mi taphawtin ram le hnam an hmangai hlak. Pathien ti mi ni lo thlangting hi inlau a um a nih.

Vote campaign hi candidates han nomination paper an file zo pha leh a hung intan tak tak ding chau a nih. Vote campaign huna hin mani biel senga Candidate-hai hi an chanchin lo ngaven a, lo hrietchieng ding a nih. Chu chu vote neitu hai mawphurna tho a nih. Ei biela ngirhai laia tha ei ti tak seng ei vote el ding a nih. Pawisaa mani vote zawr hi suol a nih. Ei vote ei zawr nuom chun suol thaw ei ni ding a nih. Mani vote bak thlak ngai lo ding a nih. Pawisa hlaw dinga mi han an mi thlem khawma hnalw ngam ding ei nih.

Vote nei thei le vote thlak thei chin hai chu mi puitling anga ngai an ni ta a, vote ding hrie lo ruol khawm ei um ta nawh. Ei sie le tha hrietna hmangan candidate-hai laia mi tha le mi thalo chu ei thlier hran a, ei belchieng nuom a um. Mi invet ni lo, mi puitling chin chun ni tha le tha naw ding chu ei hriet thei ngei ngei ding a nih. Thu hril thiem ringawt le thutiem hau nazawng hi mi tha le fel an ni chuong nawh. Mi tha le fel ding chu khawtlang le kohran thuoit hai khawmin an mi kawkhmu thei ngei ring a um. Kum 5 sungin vote vavikhat cho ei thlak thei a ni leini vote thlak hi ngainep ding a ni naw a, ngai thupui le fimkhu hle ding a nih. Kum 5 sunga ei ram thuoit ding hai an ni leini ngaipawimaw hi a tul a nih.

Election le vote thlak huna hin mipuihai hi sie lal thiem ta inla nuom a um ta khawp el. Election nei-in, mipui han vote vawi tam tak ei lo thlak ta hlak. Amiruokchu, hieng hun liemta haia hin mipui neka inlal le thunei hi an um hlak a, mipui ta dingin ngahawk a um el cho ni lovin ram le hnam in a tuorhla hle hla. Hieng a ni lei hin tuta tuma inthlangna hung um dinga hin chu vote pekna ding thua hin mipui an dit thlangin vote thei ta ngei hai sienla nuom a um ngei el. Thawluina hmanga chu chu, kha kha vote ding ti a um hlak leini mipui khawma vote thlak hi an phur ngai bek naw niin an lang.

Election hung um dinga hin mipui sie lal ta inla, an dit thlangnain an vote hlu tak thlak thei seng ta hai sienla chu, tuta nek hin ei ram le ei hnamin a thapui lem ngei ring a um. Tuta hma a ei rama election a um chang khan mipui sie lal an ni naw a, hi lei hin elected ni lo, selected a tling dam, mipui thuneina le dit thlangna lei ni lova thupek um leia tling dam an um hlak. Hienganga thlangtinga um hai hi ei ram le hnam ta dinga tha an ni am ti hi ngaituo chet chet a hun ta hle. Election huna mipui an sie le tha hrietna hmanga, zalen taka an vote ei inthlaktir thei hi nuom a um takzet el a nih.

ALL INDIA RADIO: CHURACHANDPUR PROGRAMME

Table with columns: Hours, Studio, Programme, CD/No. Rows include 5.23pm, 5.25pm, 5.30pm, 6.00pm, 6.30pm, 7:00pm with various programmes and announcers.

Editorial Board: Lalmsawm Sellate: Editor & Publisher, Roding L. Sellate: Jt. Editor, Ramditum @ Rama Ralsun: Asst. Editor, Lalsansuok Pulamte & Samuel Zothanglien@SZ Zote: Sports, Joseph Joute: Freelance, Lalruotlien Dulien: Computer Assistant

ARTICLE/HEALTH & EMPLOYMENT NEWS

IPHERZAWL DISTRICT: AN OVERVIEW

(Summary of a paper presented by L.Keivom at ‘Dawntlang 2017: Pherzawl The Road Forward’ on January 28, 2017)

December 8, 2016-a Manipur Sarkar thusuok No. 16/20/2016-R chu a tuk, December 9, 2016 khan Manipur Gazette-ah an hung puong a. Kha hmaa Districts pakuohai laia pasari-Imphal East, Senapati, Thoubal, Chandel, Ukhrul, Churachandpur le Tamenglong- tina khan District thar pakhat seng belin Revenue District thar 7 a hung pieng a. Chuonghai laia Churachandpur District-a inthoka khoi thlak District thar hung pieng chu Pherzawl District a ni a, a huop chin chu Pherzawl, Thanlon, Parbung-Tipaimukh & Vangai Range a nih.

District hmunpui innghatna le a hming phurtu Pherzawl hi zum le hriem le dolung le tubo inkara Bullhmang inrawina hnuoia arasi tlak kum 1884 vela nget taka an hluo tan niin upahai chun an hril. ‘Hmar Biel’ tia hriet, Tipaimukh Sub-Division sunga hin Pherzawl chauh hi Thado-Kuki lalhai inlalna hnuoia um lo Hmar khuo um sun a nih. Khang hun lai khan Mizoram chu Sailo lalhai inlalna hnuoia um deuh vawng a ni a, Manipur tlangram a tam lem chu Kuki lalhai hnuoia khawna an nih. Chuleiin, hmar tieng pana intawl phei a, Manipur le a se vela hmun an hung khuor khan Sailo lalhai laka hum theitu dinga bel tlaka an ngai chu Kuki lalhai an ni leini, khaw thar an satna taphawt deuthaw-ah, an sa himna dingin, lal dingin Thadohai an fiel a, an him pha tah bawk hrim a nih.

Chuong laia mi huoisien fäl um sun chu Pherzawl lalhai sungkuo an nih. Khang hun laia Khuongzang lal Ngullien khan Kailamhnuoi po po hi a thuneina hnuoia umah a ngai a. Pherzawl lal Bullhmang a neksawr dan khawm hahipa hril a tling. A vuok sil-ong leia kum 1915-a a naupa Dolur kum 13 mi chauh a ni laia a thisan a nih. Ngullien chu a thi a, ropui bung bunga an lalna khuo chu kum 1960 laia inthok khawm khaw rasan hmun a lo inchang tah. Bullhmang khawm muol a liem a, sienkhawm a khaw sat chu thiemna kawtsuo hung niin, a thia inthawka kum 111-ah District thar hming puttu a hung ni pei bawk a nih.

Hmun thenkhat hi khuonin lamthuom pawimawa ngir dinga a lo duong lawk hrim amanih ti dinga histawri fe le hungin a sir hlak a um a. Hi le inzom hin Pherzawl le Bethlehem ti artikol khawm ka ziek tah nghe nghe a. Kum 1951 khan H.Thanglora inrawina hnuoiahi Pherzawl High School an indin a, Manipur tlangrama high school ngir hmasa tak a nih. Kum 1954 khan Matriculation Exam tan a ni a, kum sawm vel sung chauhin Matriculate 80 chuong an suok hman a. Hienghai hi ram le hnam bulthut remtu an hung ni a, sir tinah hmasawna kalbi ei hung suot tan ve tah a nih. Ram le hnam pawlitiks kalchawinaa dam, hnam aidentiti hung inser tungna kawnga dam, thu le hla hung inder suokna zungpui dam ei sui chun Pherzawl hi a hnukupui a lo nizie le Pherzawl thang loin ei ram le hnam histawri hi ziek thei a ni nawzie inhmai ruol a ni nawh. Kha hmaa British-hai mi awp laia Churachandpur-a inthawka Tipaimukh paw ding lamlien (mule road) an siem, Tipaimukh Road le Vuite (Guite) Road chu Pherzawl (Dawrkwanh) an infintir khan hi khuo hi khan pawimaw (strategic location) a nizie a lo hril ta a. District hming puttu le hmunpui innghatnaa hmang a ni pei hi khuonu ruot sukpuitingna a ni pei a nih ti inla ei hril suol ka ring nawh.

Vanguoithlak takin, kum 1964 vela inthok khan sawt naw te sungin, eini rawi enkawlna kut hnuoiahi Pherzawl High School chu damten ei hung phur thluk a, kum tin deuthawa rizal suok changa ri ei hriet chu NIL a nih. Kum 1990 bawr ei hung kai tung a, Ex-MLA L. Rokung inkhawmpui fe tum khat chu Pherzawl palaihaiin, “English medium school ngot an hawng a, naupang fee chawi zo lo haiin kaina ding an invaina a sawt ta a. Hi lei hin kan nunghak tlangwal tam tak le naupang hung selien peihai hi lekha khawm tiem thei ta lo deuh vawng an ni tah a. Chuleiin, Hmar Medium School kan mamaw a nih” tiin dawvan an lo kai a. High School ngirma hmasa tak khuoa chuong ang thil a tlung el chu pangzatam a ti a, a lungiril a na em em a. A tanna dingin singkhat a pek a, kum 1995 kham ‘Rokung Hmar Medium School’ an tan a, kum tin sangnga a pek bakah khawrsaw ding a pek bawk a. A hnunga RPC-in an hung lak hnung le chawmna naupang 50 ta ding an hung pek hnung chun Matric tling khom an hung kat nawk tah a nih. (Ref. Ka Nun, p.191-192).

Pherzawl High School Golden Jubilee (1951-2000) Souvenir, kum 2001-a Delhi tlanga inthawka sut kha Editor ka ni leini kum tam tak hnung khawma tiem tlak le ro tling ni dinga uluk taka buotsai, a sikul suok le a enkawltuhai mi hrang hrang 30-in thu le hla an thaw khawm a ni a, a sawt po leh a hlutna pung deu deu a tih. Kha Souvenir-a Pherzawl High School tluskietsna san laia pakhat nia Assistant Headmaster L.Rothang hmu dan chun “Tuta hmaa a hming thagna po po kha 1964 laia inthawkin a se tan niin ka hriet a. A san tak nia ka hriet chu, Teaching Staff hai hi qualification-a chu thiem tak tak vong an nia chu ram le hnam ta dinga thawk an nih ti an theinghil amanih an hriet nuom ta naw niin an lang. Hmangaina le ditsakna leh taima tak le thahnemngai takin enkol hai sien chu a ni telin hung tha nawk tiel tiel a ta, sawt naw Leah ngai chauh hung aw loin a hmaa a hming thagna khawm nasa nawkzuolin hung khüm a tih ti ka ring tlat a nih” (p.22) ti a nih.

Chun, Pherzawl High School sul suok ngein lalna an hung chang hnung khan a khuo sukchangang neka hremna kut thlak nuom lem dam ei um amani aw ti dingin thil a um. Hi thil hi Pherzawl khuoin a thawhla khawp el. Sienkhawm, rau deua hril chun, lamthuom pawimawa ngir dinga thlangtu chun a theinghil naw a, a hnam thlanghai sansuoktuo dinga lal dang daih Kura (Cyrus) a hmang ang khan kut dang daih hmangan ngirhmun pawimaw lem le insang lemah a hung hlangkai tah lem a nih. Chu hming thagna chu inchu tuma an thaw der naw khawm thawa inhril phêt phêt tum dam an hung suok tuk tuk a ni khawmin, mi piengsuol nungchang a nih ti hretu chun an phu tawk ang peiin a rul hlak ti hre a, inhnar loa lunginsiet lem ding an nih.

A ieng ieng khawm lo ni tah sien, Pherzawl hmanga District thar a hung pieng le a khuoa ngei hmunpui a hung inngat hi, si tina inthawka thlrin, thil awm hlie hlie a nih. A sunga chenghai laia mi a tam lem chu Hmar hnathlak an ni leini, kum 1950 bawr laia inthawka Hmar Autonomous District an lo hni hlak sukpuitingnaa ngai pawl an um a ni khawmin thilmaka ngai ding a ni nawh. Amiruokchu, Secular State sunga Secular District hung pieng a ni leini tu hnam bing ta bik a ni nawh ti hriet fie a tha; a sunga hmun khuor thei dinga India Danpuuin a phalhai chun inthlierna, inkhuokhina le inikrapna um loa zalen taka umhmun an beng-

bel chu an piengvo le chanvo a nih.

REVENUE DISTRICT HI IEM A NA?

Ei hriet thiem thei zawngin hriilfe tum inla. State sawrkarin sie (tax) chi hrang hrang a khawna ding le inrelbawlina hrang hrang sukolsam le zangkhaina dingin a rambung sung chu biel tum tumin a the dar thei a, chu chu Revenue District ei ti hih a nih. A enkawltu lu tak chu District Collector/Commissioner a nih. Kum 2016-a India rama District um zat chu 707 a ni a, Manipur-a district thar 7 belsa chun 714 ning a tih. Hieng District-hai hi State sawrkar thusuoka siem le thiek el thei a ni laiin, inhumhimna bik nei, entirman Sixth Schedule hnuoia um Autonomous District Council le a angpuihai chu Indian Parliament-in a pawmpui le India Danpui (Constitution) a hlu lut a ngai. Manipur-a tlangram district hai hi ieng Schedule hnuoia khawm an um nawh. Inhumhimna an nei sun chu Manipur State Constitution Act, 1947 hnuoia siem Hill People’s Regulation, 1947 dam, Manipur Union Territory Council Act, 1956 hnuoia indin Hill Area Committee dam le North-Eastern State Reorganisation Act, 1971 le Article 371-C hnuoia Hill Area Committee (HAC) an indin dam a nih. A kip a kawia hriilfeina hman a um naw leiin, hi chungthua Prof. Gangmumei Kamei dam laia a ziek ‘Hill Area Committee (HAC) of Manipur Legislative Assembly: An Assessment’ (Part 2) chu kil de sa a nih. Ei ngirhmun hi hre chieng loa ar khawo thim dai thaw ei ni tlangpui leiin, chik taka ei bi seng ka nuom. Chu chun ei inhumhimna kul nei sun vengtu dinga ei dandehain an mawphura an hlen nawzie le an kutah ei him nawzie hre chieng thei ei tih. Mipui lungsenin vok hnota hnot a, an inah mei an inkhuk dam kha thil dangdai a ni naw el thei.

Lungte sema District thar 7 zet hmawsaruma inthlang ding tawma an sem hin titi a suktam hle. Ieng ngirhmun chie am an inhuotir ding ti hriilfeina le sukchiengna ieng khawm a la um naw niin an lang. Kum 2015-a HAC pal zuta Manipur Legislative Assembly-a Bill Pathum an put lut le hmawsaruma an pawm, kalna nasa tak um leia India President-in a hnalw nek hmama tum lem chu Revenue District phalrai pawlisi hi ni dinga ngai pawl an um. Tlangmihai inthuruolna a chim ruola a mal mala hmal til an la hung ni ding pangzatamzie ngai ngam lo le chu chu a tlung hmama tlang taka iengkim rel fel nuom pawl an um bok. Thuneina chel zui pei beisituhai chun ieng ang hmangruo tirdakum khawm hmanga inzor zui pei an pawiti nawh niin a n lang. Ei fimkhu naw chun, a ieng amani chuh inhâkin ei inthal rum ding a nih. Hieng ang hun khirkhana hin a nih thuoitu fel, ringum, thatho le hmalthir sei tak nei ei mamaw chu nih.

EI HMATHLIR IENG AM?

Ei buzawl, ei sumpukah sahrang lu an mi hung inngatpek ta si si chun, inpui hluotu ni tlin taka hlen dingin ei derkie ei kei nget sauh sauh a tul. Ngirhmun thara chuong kai ei ni tah leiin puitling taka ei inrelbawl a ngai. Ei thirma tukver hawng lienin, mit tharin thlrin ei tiu. Rome khawpui chu ni khat ela bawl a ni naw angin. District hmunpui nget le lo indin ding chun kha hmaa zui bawla iengkim bawl ei tum hlak lungiril kha bansan a ngai. Hieng ang hun hi thiemna bik neihai thiemna le tawnhriet sor tangkai hun a nih.

Tuta inthoka kum sawmnga, za, zanga le sang chena District hmunpui hung inthang pei ding huna a ruongam ding duongtu pawl an um a ngai. Chu phaa tlan khawp tui lakna ding rel a ngai. Kum sawt naw Leah College le training centre chi hrang hrang makmawa a hung ngir ding a ni leini, a se vela chenghaiin an hung bel lut lut khawpa thaa siem dinga inbuotsai a tul. Pherzawl khaw hmun hlui dam hi University inngatnaa ding le hi tlanga inthawka technology hmanga boruok zaia ei nunghak-tlangvalhaiin khawvel lien lem an dawrna ding hmuna lungrila ka lo huol hlak a nih. Town Planning fel fai tak nei a, a blueprint ang thlapa kawthler le bazar hmun dinghai rel ding a nih. Kha hmaa ang bawkin, a tlang tluonin ram rizap siem nawk a, vat pawm khap a, thing le ruohai humhal a, thing tha chi a tam thei ang tak phun sap a, humhal ding a nih. Hung inthang pei a ta, Pherzawl tlang dung po po, Lawibuol, Tinsuon, Khuongzang le Damdici chenin a la hung inzar ding a ni leini, ram pek le sem thua khawm mumal nei tak le renchem taka thaw a ngai. Kha hmaa ei lo thaw dan anga mikhuol intlungtir kha bansana khuolbuka inthawl taka tlung lem ei hung ching tah ding a ni leini tlungna tlak khuolbuk siem a ngai a, chu chu sum hnâr le sin tam tak hongtu ni bok a tih.

Infepawna kar lam tha hi thil makmaw a nih. Imphal hnukupui khar hlaktu Dimapur Road le Jiribam Road hmang loa kum tluona Tuiruonung dung le Mon Bahadur Road hmanga Silchara inthawka mamaw lak lut zing theina lampui um sun chu Pherzawl District a ni leini, lampui siem that vat vat a ngai. Thanlona inthawka Khuongzang tieng hrawa Pherzawl hung lut theina ding lampui thar siel a ngai bawk. Chun, kha hmaa Chin Hills-a inthawka sumdawngan Pherzawl an hung dawrna hlak lampui hawng nawk tha bawk a tih. Look East Policy hi dam tea sukpuiting a hung ni pei ruolin, hi indawrna lampui pawimawna hi hung punga pei a tih.

Hieng ei hriilhai hi entirna ang chauh a ei hung tar lang a nih. Manipura cheng tlangmihai ngirhmun hi ching fel vat a tul. Ram chite reka neitu nina hau ngam vawng um khawm ei ni a, a tam lem hlak chuh a ram zaa thea sawm sung biela inbeng khawm an ni a, a him naw tak an nina chin a um. Ei him tlang thei dan kawng iemani bek dap suok a tul makmaw. Hienga ei insekhek zing chun India hmarsak a hung inhawng pei ruolin prawzek hrang hranga sinthaw dingin vairampura mi a nuoi telin hung lut hum hum an ta, chim ralin ei la um vawng ding a nih. Tu khawm him bik ding ei um nawh.

(January 27, 2017, Delhi)

Sponsored by Sinlung Academy of Letters (SAL) through the good offices and assistance of the Hmar Students’ Association, Delhi Joint Headquarters at Conference Hall, Centre for the Study of Law and Governance, JNU, New Delhi on January 28, 2017 (1200-1600 hrs). ‘Dawntlang’ is a convenient term for ‘semi-nar’ and the likes coined by HSA Delhi in 2016.

Well Wishers Meet a buotsai



CCPUR: 11th Manipur Legislative Assembly Election hung um dinga 58-Churachandpur (ST) Assembly Constituency-a ngir tum (intending candidate) Mr Paukhansuan Khuotong chun Jan. 30, 2017, 12:00 khan Chingangkpa Avenue, Nehru Marg-a a chengna-inah ama ditsaktu hai inpawlpui-na (Well Wishters Meet) a buotsai. T. Thangzakhum, Chairman, TBSUC, EBCC Central Lamka in hun hawng tawngtaina a nei a, Rev. Lian Benson, Executive Secretary, EELC in influina thucha hrilin Mr Paukhansuan Khuotong ta dinga tawngtaipekna a nei. Hi huna hin Singkhanthang Tonsing, G. Liana Vaiphei, President, Manipur Tribal Union, Bengaluru le N. Thangchinhou haia inthawk thuhiril ngaithlak le, Intending candidate Paukhansuan Khuotong ta dinga hmatienga hmalak dan ding hai an hritlang.

Sakawrbakchepin mi 1 sunhlum

NEW DELHI: Badarpur, New Delhi hmuna Samvawtu mi pahni in tlangval kum 20 mi Pawan chu sakawrbakchep hmangan an sunhlum. Pawan le samvawtu hai chu samthi leia inselbuoi nia hril an nih a, mi sunhlumtu hai chu man an ni tah. Pathiemni zingkar dar 10:30 AM vela thil tung ani a, sam vawna dawr chu unau Raghbir le Navami haiin

Assam Assembly Speaker dingin Nath Goswami

GUWAHATI: Assam Assembly chun zanikhan BJP MLA Hitendra Nath Goswami chu Assembly Speaker dingin lungruol takin an thlangting. Assembly Speaker dinga Goswami thlangting a ni

an enkawl a nih. Pawan in sam vaw dinga an thung hnunga mi pakhat hung chu an ngaven tha lem leini inselna a suok tan a, Navami in Pawan chu a vau a, a lung tuor lovin Pawan chun a sam vawna a hmang samthi chu lapekin a sam a khui pek ta a nih. Chu hnungin nasatakin an inselbuoi tah a, Navami chun Sakawrbakchep la in

thi hi Assembly Deputy Speaker Dilip Kumar Paul chun Assembly-ah a puong. Assembly Speaker hlui Ranjeet Kumar Dass state BJP President dingin thla hmasa khan ruot a ni

Pawan chu vawi tam tak a sun a, a sun lai chun a unaua Raghbir chun Pawan a sam le a kut-ah a lo cheltang a nih. Inrang taka AIIMS a tlan pui nisien khawm, a hringna san hman ani ta naw a nih. Police haiin witness iemanizat haia inthawk thu an lak hnungin, tuolthattu Raghbir le Navami haiin case an zieklut khum.

Hi le inzawma Assam Assembly Speaker thar ding thlang hung tul a nih. Mr Goswami hi AGP sawrkar huna minister lo ni hlak, Jorhat A/C a inthawk MLA dinga thlangting a nih.

CDS (II) 2016 written result puong

NEW DELHI: Union Public Service Commission (UPSC) buotsaina hnuoia Combined Defence Services Examination (II), 2016 written exam result chu zanikhan puong a nita a. Result hi UPSC website: www.upsc.gov.in-ah hmu thei ning a tih. Written exam-a hlawtlingna chang candidate hai chu result puong a nia inthawk chawtkar hni (two weeks) sungin Indian Army recruiting website: joinindianarmy.nic.in ah online-a in registered seng dinga inhrietir an nih.

CHANCHIN LAKTAWI

Helpawl hai thupruk ralthuom dapdawk

SHOPIAN: Jammu & Kashmir a Shopian district-a Trez area a chun zanikhan security forces han helpawl hai camp an dap a, ralthuom chi dang dang dapdawkin an man. Ralthuom an dapdawk hai lai SLR 1, rds SLR 37, AK-47, AK rds a rengin 509 le China siem Hand Grenade a thang. Hienghai baka hin solar charger, charger pin, silaimu bawm le damdawi umna bawm pakhat le nail cutter hai khawm an dapdawk sa bawk.

SC in Asaram Babu bail ngen a hnawp pek

NEW DELHI: Self-styled godman Asaram Babu in bail-a insuo dinga petition a pek chu Supreme Court in a remti pek naw a, bail-a suok remti pek ta nekin a petition-a doctor lekha indiklo a kildesa leini FIR file khum thar dingin Order an suo khum. Asaram hi nuhmei kum 16 mi sex thila sawisaka intumna le inzawma man le August, 2013 a inthawka kha jail-a khum ta a nih.

Maoist 2 kaphlum

RAIPUR: Kirandul, Chhatisgarh ramhnuoi-ah Security force le Maoist hai an inkapto a, Maoist 2 kaphlum an nih. Dholkal hills a Ganesha idol Maoist haiin suksiet an tum report an hmu le inzawma security force han operation an thaw ani a, kaphluma um hai chu nuhmei le pasal pakhat ve an nih. Inkapna hmuna chun 303 Rifle pakhat le thil puok thei iemanizat man ani a, kaphluma um hai chu khawlai mi am ti hriet an la ni nawh.

Oral cancer an tam tak

THIRUVALLA: India rama cancer invawi hai lai oral cancer an tam taka hrii ani a, kum khat sungin oral cancer invawi thar mi 2.60 lakh an uma, chu hai laia 1.20 lakh chun an thapii pha niin Partha P. Majumdar, Director, National Institute of Biomedical Genomics chun a hrii. Majumdar chun Thiruvalla hmuna 29th Kerala Science Congress hun a hrii niin, hawp le hmuom ching haiin oral cancer an nei nuom lem thu a hrii a, dumkhu hawp lo hai neka a hawp haiin hmun 27 in oral cancer invawi theina chance an nei niin a hrii.

Sipai hliem 5 thi tah

NEW DELHI: Machhill sector, Jammu and Kashmir hmuna January 28 a vur chimin a del sipai 5 sansuoka um Srinagar hospital a enkawl hai chu an hliemna tuorzo lovin zanikhan an thi. Sipai 5 hai chu dei an ti hle a, an taksa sukum zing niin, boruok thalo tam tak an hip lein enkawla an um lai khawmin an ngirhmun a derthawng hle niin Army spokesperson chun a hrii.

Karhmasak khan Jammu and Kashmir chu a dei hle a, vur khawm nasatakin a tla zing a, boruok thalo le thli dei khawm a tam bawk a nih. Line of Control (LoC) a Army camp vurin a del tum hin sipai 15 zetin an hringna an chan pha a nih.

Delhi Police Commissioner dingin Patnaik

NEW DELHI: Mr Amulya Patnaik, IPS chu Delhi Police Commissioner thar dingin Home Ministry chun a ruot. Mr Patnaik hin CBI Director thar dinga ruot Alok Verma a hung thlak-thleng ding a nih. Patnaik hi 1985 batch IPS Officer, Arunachal Pradesh-Goa-Mizoram and Union Territory (AGMUT) cadre a nih. Tuhiin Delhi Police a Special Commissioner sin chel mek a nih. Ama neka senior lem 1984 cadre IPS Officer pahni Dharmendra Kumar le Dipak Mishra hai



khawm an um a, sienkhawm a service record a tha leia an junior nisienkhawm Delhi Police Commissioner dinga ruot a ni ring a nih.

Infosys thawktu Raju thattu man

PUNE: Pune a Rajiv Gandhi Infotech Park a sinthaw Kerala mi K Rasila Raju (25) chu an office a sawng 9-na conference hall a sin a thaw lai that ani a, a ringah Computer cable a khit niin, a hmaia khawm vuokna hnuhma hmu thei a nih. A thattu chu hriet ninaw sien khawm, CCTV footage besanin a thawtu ni dinga ring an office a security guard chu zanikhan man a nih. Security guard mana um chu Assam mi niin, a tlanhmangna hmun Mumbai a man a nih. Thata um Raju chu a day-off (chawl

ni) a sinthaw ani a, project pawimaw tak zo tul a nei leia sinthaw niin, ama ruolin a ruol dang pahni Bangalore office a mi hai an online ve niin Police thusuok chun a hrii a, sin chu zantieng dar 3:00 PM in a thaw tan a nih. Pune hmunah tuta hi techie tum hni thata an umna ani tah a, thla hmasak khan Antara Das (23), Capgemini a sinthaw chu an office a inthawk kilometre chanve vel hnawt thlura vuokhlum ani a, Bangalore based a um a sinthawpuihai thil tung le inzawma man an nih.

Gandhi inzana pek

NEW DELHI: Zanita India pa Mahatma Gandhi a thi champa vawi 69-na a tlung le inzawmin, President Pranab Mukherjee, Vice President Hamid Ansari le Prime Minister Narendra Modi inrawina in India mipui hai ai-aw in inzana pek a nih. Hunser chu Gandhi Samadhi, Rajghat, New Delhi hmuna hman niin, India rama ringna chihran hnan nei hai fekhawmin, an ringna

le inzulin tawngtaina hun hmang ani a, Gandhiji in a ngaina em em bhajan 'Raghu Pati Raghav Raja Ram' hrii ruolna nei a nih. India ram huopin hmun hnan hrana-ah zing dar 11:00 AM khan minute 2 sung to tawka sunna hun hmang ani bawk. January 30, 1948 khan India pa Mahatma Gandhi chu Nathuram Vinayak Godse in a awm-ah vawithum kapin a that a nih.

Trump travel ban thuah US Democrat lawmaker in Bills move a tum

WASHINGTON: US senior Democratic Senator Dianne Feinstein chun, US President Donald Trump in immigration ban na ding Executive Order an suo le inzawmin US Senate ah hi executive Order hlip nawk nghal a ni theina dingin bills pahni putlut a tum. Trump's executive order hin khawvela Muslim rambung 7 haia mipui hai US lut a khap bakah US referu-

gee programme a sukchawl a nih. Feinstein in bill pahni a putlut tum hai laia pakhat chu executive order lakkirna ding le pakhat chu Immigration and Nationality Act siemthadna ding hai an nih. US Democratic National Committee interim chairman Donna chun, Trump's Muslim ban hi dan kal a ni a, America ram suk himnaw zuolto ding a nih tiin a hrii.

Benami Act hnuoia IT-in case 42

NEW DELHI: Demonetisation hnunga IT Department haiin black money sui dawka le inzawma an hmalakna fe mek ah, zani chen khan rampum huopin notice 87 an pek tah a, Benami Transactions Act hmangin case 42-ah crore tel deposit an hmuok ta bawk. Benami Act chu demonetisation hnunga sawrkarin a sukhrat thar nawk niin, hremna in penalty tam tak chawp thei

ani bawkah, kum 7 sung Jail intang theina ani bawk a nih. IT Department chun, tax paklo pawisa hai midang account hmanga deposit thaw lo dingin vawi tam tak inhrietirna a siem ta hlak a, chu ang thawtu chu Benami Act bawsietu niin criminal case neitu anga man thei ani thirilin, rothil chungthua khawm Benami Property Transactions Act, 1988 hnuoia, rothil sukthlawng

thei le a detdo khawm hremna pek thei ani thu a hrii a nih. Demonetisation hnunga IT hmalakna hnuoi ah, sumhna le inmil lo le tax peklo case 42 a hmuok tah a, chuong hai laia a tam tak chu sumfai le bank account a pawisa um hai an nih. Benami Property Transactions Act, 1988 hnuoia mawphurna laa sinthawtu tak chu IT Department hai an nih.

SP le Congress thangurol Mulayam in a pawm nawh

LUCKNOW: Uttar Pradesh a Congress le Samajwadi party hai thangurola Assembly election a sawrkarna siem tuma hma an lak mek laiin, Samajwadi Party patriarch Mulayam Singh Yadav chun a pawm naw thu a hrii a, party inzawm hai tadingin a campaign naw ding thirilin, congress le SP inzawm chu a dodal tlat thu a puong. Mulayam a naupa le UP Chief Minister Akhilesh Yadav le Congress Vice President Rahul Gandhi hai chun, an inzawmna thu puongin, UP Assembly election a seat khawm an insem fel diem tah a. Press conference ko in, an thiltum le hmalakna ding hai mipui hrietin an puongzar khelah, road show



khawm an nei ta bawk a nih. Chuong anga inlaichinna tha neia ngaituo thuhmun leh UP ah sawrkarna siem an tum zing laia Mulayam chun tawngbau a nei ani a, Chief Minister Akhilesh in irringlawk lo thuta President a nina a hlip pek lai ani leini, party pahni hai inzawm chu a thei naw hluol niin Mulayam Singh chun a hrii. Mulayam chun Congress in hun sawt tak rorelna khawp chel tah sien khawm, inthang mumal thei lovin a siem thu a hrii a, congress chu iengtiklai khawm a dodal ding thu hriin, Samajwadi party chu a khatin election-ah a ngir thei thu Mulayam chun a hrii.

Anti-Trump Rally-ah Gigi

NEW YORK: Models unau Gigi le Bella Hadid hai chu US President Donald Trump in Muslim rambung 7 hai US inlutit ta lo dinga ban a thaw dodalna Anti-Trump rally-ah an t hang ve. Hadid hai hi an piengna pa chu Mohamed Hadid niin Jordanian-American niin Muslim hnama mi a nih. Tuta hma khan Gigi hin Washington hmuna Women's March khawm a thlawp thu a lo puong ta a nih.

Assam road package Rs. 15,000 cr

GUWAHATI: Assam sunga Brahmaputra lelak a pahinna ding Saraighat Bridge chu Nitin Gadkari, Union Road Transport, Shipping and Highways Minister in hawngna a nei a, hawnnga a neina a chun, Assam state sunga lampui le National highway hai sukmasawna dingin Assam sawrkar Rs.15,000 crore pek dingin a tiem. Gadkari chun, Assam sawrkar chu lampui siemma ding hmun le hmang sukfel vat a, sin tan nghal ani theina dingin clearance an hma

thei anga thaw dingin a hrii. Lampui thar ding chu 1,253 kms a sei siem dinga ti ani a, zo an huna Assam in National highway 6,790 kms a sei a nei ta ding tina a nih. Road infrastructure sukmasawna dingin Assam state-ah sawrkar thlupuiin Rs. 1 lakh crore investment a thaw ding thu Gadkari chun a hrii bawk a, project chu kum 5 sunga zo dinga ti ani a, Rs. 1 lakh hai laia Rs. 65,000 crore chu sanction ani ta thu a hrii.

Nagaland CM in polls sukbuoitu hai finkhur dingin

KOHLIMA: Nagaland a Urban Local Bodies (ULB) election nei ding le inzawma buoina chu a la pangngai zing a, Chief Minister TR Zeliang chun hnam hnan inzawm khawma JCC indina bandh thawtu hai chu finkhur dingin a hrii. Reservation chungtho le polls nei hun sawn chungchanga an ngenna chun ngaituo ani naw ding thu a hrii a, February 1 in election chu nei ani tho ding thirilin, election huna security khautak siem ning a ta, inthlangna sukbuoitu hai chu an phutaw hremna security haiin an pek ding thu a hrii. JCC chun Nagaland pum-pui huopin tiemchin um lovin bandh a ko a, Pathien- ni ti lo chu bandh chu khau taka thaw a nih. Bandh leini Nagaland sungah nundan pangngai a sukbuoi pha a, dawr le inchukna In hai khar niin, bandh volunteer

hai hmun hnan hrana-ah an duty zing bawk. Chief Minister chun, hnam thuoitu hai chu an thil ngen hai chu ngaituo nawn dingin a fiel a, lungawi nawn a nei ani khawmin dan le constitution besana hma la dinga infuini, tharum insuo zawnnga helna siem chu chawlsan dingin a fiel tawl. JCC in bandh a ko chu Pathienin inthlazal niin, zanita tan nawk ani a, sawtnaw takah February 1 chen bandh chu sunzawm an ding thu a hrii. Sawrkarin February 1 a ULB election neina ding le inzawmin, inbuotsaina a fepui zing a. Bandh boruok leh election huna buoina a um nawn dingin Nagaland pum huopin Section 377 le 294 of CrPC a puong a nih.

Philippines Police han Drugs War an chawlsan

MANILA: Philippines Director General, Ronald dela Rosa chun, Philippine rama anti-drugs units chu Officer thalo le indiklo hai inthiefai an ni hma po a dingin thiek a ni thu zanikhan a puong. Hi thil hi South Korean businessman muolpho thlak taka thuoimang le an tlansuokna dinga pawisa ngen a ni hnunga a hung puong a nih. S. Korean businessman Jee Ick-Joo ruong hi National Police headquarters sunga hmu a ni a, polythene bag hmanga rek hlum a nih.



Mr Ronald dela Rosa chun, Police suit le tha lo hai inthiefai vawng a ni hnunga drugs dona hi sunzawm nawk a ni ding thu a hrii a, drugs dona ding hin an Organisation (Philippine National Police-PNP) chu sukfaai phawt a tul a nih tiin a hrii. Nikum May thlaha Rodrigo Duterte President a hung chela inthawk election campaign huna Drugs a sumdawngna sukbo vawng dinga a ni a, poliythene bag hmanga rek hlum a nih. Mr Ronald dela Rosa chun, Police suit le tha lo hai inthiefai vawng a ni hnunga drugs dona hi sunzawm nawk a ni ding thu a hrii a, drugs dona ding hin an Organisation (Philippine National Police-PNP) chu sukfaai phawt a tul a nih tiin a hrii.

inthiefai phawt dinga a hrii leia Drugs dona hi la sukchawl phawt a nih tiin Dela Rosa chun a hrii. Police Department-ah mi tha hai chu ram buoina a hmatawngga sie pei dingin Mr Duterte chun an hrietir bawk a nih. S. Korean businessman a thisaa hmu Jee Ick-joo kha Manila khawpui bul Angeles city-a inthawk drugs sumdawngnaa in-rawl tia intumna leia man, an that hnunga a sungai kuoma in tlansuokna ding sum an ngen a nih.

Immigration chungthua Trump hmalakna khawvel thuoitu-in sawisel

WASHINGTON: US President Donald trump in immigration hai lut khapna dan a siemna le inzawmin, khawvel huopa rambung thuoitu hnan hriin haiin sawiselna thuan hrii. European Union (EU) a foreign policy head chellai Federica Mogherini chun, Trump a anglo takin EU chun ram- buoi le indona leia raltlanhai iengtiklai khawm a lawmlut ding le a thlawp tlat ding thu a hrii. Britian Prime Minister Theresa May chun Trump in khapna dan a siem chu a pawmpui nawh a, British mihai a ngahawng sa ding ani chun an chawmlut ve ding niin Britain sawrkar chun a hrii. French Foreign Minister Jean-Marc Ayrault chun, indona leia tlan refugee lawmlut chu a rambung mawphurna hriin an thu a hrii a. Trump in thlutluka a siem chu a vanduoit thlak hle thu le, mipuihai laia inringzo nawn siemtu ani thu Swedish Foreign Minister le Deputy Prime Minister, Margot Wallstrom chun a hrii. Canada Prime Minister Justin Trudeau chun, a ram sunga mi chihran hnan umkhawm

INHMUN INHMUN

Saikawt field bul, Thlak tiengpang RPC Biekin bul lai Plot tha taw tak, Huon thlai a puitlinga umna kan thet. A size 40x120 A man: Rs. 2,80,000/- A dit hai chun a hnuoia contact No. a hin kan thei a nih.

Sd/- Lalnunmawi Zote
9615959932

ALPHA RESIDENTIAL HOSTEL
Neihsiail Veng, Churachandpur, Manipur
Naupang thataka inchuktra enkawl dingin, hmun him le fiendri inchukna hmun dinga tha hawng thar a nih. Student phawt phawt lut thei vawng a nih.
Contact : 8729957302 9662360764 (Niengsangting & Lala)

Ph.D in 4th grade sin apply

KOLKATA: West Bengal sawrkarin Secretariat a Group D sin 6,000 a lakna dinga inhniitu mi 25 lakh an um a, chuong hai lai chun Graduates, Postgraduates el chaw nilovin, Ph.D degree nei dam an um nia hrii ani a, West Bengal state a sin lakna dinga chu a sin le inmil lova thiemna nei a hniu an tam tum tak a nih. Group D sin lak dinga tlingna chu Elementary school zo niin, hlau chu

Rs. 16,200 ding a nih. Sin hniu thalai an tam leini, mi thenkhat chun politics ah an keilut hman hiel a, West Bengal Chief Minister Mamata Banerjee in thalai hai sin siem pek dinga an tiemna a sukpuiling nawh tia intumin, mi tam takn chiera in an hmang pha. Uttar Pradesh a khawm, 2015 khan Secretariat a Peon sin 368 lakna dingah 23 lakh in hnina an pek nia hrii a nih.

AP-in APPSC rules amendment thaw

ITANAGAR: Arunachal Pradesh sawrkarin Arunachal Pradesh Public Service Commission (AP-PSC) rules amendment a thaw a, chu dungzui chun, grade B le state sawrkar thawktu ding khawm Commission fithlengna sin lak ni tang a tih. Chief Minister Pema Khandu le APPSC chairman Tajom Taloh haiin meeting an neina a thlutluka an siem

dungzuia amendment chu thaw a nih. Chief Minister chun, exam pe ding hai tha taka inbuotsai lawkna an nei theina dingin, Commission chu kumthar calendar fel taka siema insuo dingin thu a pek. AAPSC rules siemthadna lei hin, sawrkar sin lakna-ah fakrukna le inthamna a sukbo pha dinga ring a nih.

China Sahuon-ah Sakeiin mi pakhat a se hlum

NINGBO: China rama Ningbo khawpui sahuon Youngor Zoo a chun January 29, 2017 khar Sakeiin pasal pakhat a se hlum. Sakei in a sehlum pa hi Sa huon ena fe a ni a, Sakei una huongsung a va lu leia Sakei hin a lo se hlum nia hrii a nih. Hi thil tung le inzawm hin local police-a special forces han Sakei in an kap hlum pha. Sakeiin a se pa hi inrang takin hospital panpai a ni a, sienkhawm doctor han a hringna an san hman ta chuong naw a nih. Ei thil dawngnain a hrii danin, Sakeiin a sehlum pa hi ticket boa Sahuona lutruk a ni a, Dai a kai naah changsuola Sakei siena huongsung ta lut a ni a, chu huna Sakei hin a lo se niin local tourism authorities hai chun an hrii. Hi thil tung zo hin hi Zoo hi khar a ni a, zani chen khawm

khan khar a la nih. Sakeiin a se hlum pa hi a hming "Zhang" tia hriet a ni a, Hubei Province mi a ni a, nuhmei le a nauhai le Zoo a fe an ni a, Sakeiin a se huna hian a nuhmei le a nau hai khawm umin an hmu ve a nih. A nuhmei le a nauhai bakah a ruolpa pakhat hai le Sahuona hi va fe an ni a, a nuhmei le a nauhai chun ticket an inchwak a, ama hi a ruolpa leh ticket inchwak lova metres 3 (10 feet) a in-sang dai an kai naah ama hi a changsuol a nih. Nikum July thla khawm khan Beijing wildlife park-a fe nupui pakhat le a nauna Zhao hai chu Car a inthawk an zuk suok charin sakeiin a lo bei a, a nu chu a thi a, Zhao ruok chu damin a suok a nih. Hi thil tung thua hin Ms Zhao chun Park thuneitu hai a hek nghe nghe a nih.

Canada Mosque-a terrorist hai chetna leini mi 6 an thi

QUEBEC CITY: Zani hmasa zan 8:00PM (0100 GMT Monday) khar Canada rama Quebec khawpui Mosque hmuna mi thenkhatin silai an kaphrut leini mi 6 in thina an tuok bakah midang 8 in hliemna an tuok niin zanita Police thusuok chun a hrii. Hi thil tung le inzawm hin ringhla mi pahni man an nitah tiin Police spokeswoman Christine Coulombe chun Chanchinbumihai kuomah a hrii a, hi thil hi Terrorist hai chetna an ngai thu a hrii bawk. Canada Prime Minister Justin Trudeau chun hi



thil tung hi a dem hle thu a puong. Hi silai kaphrutna thung huna hin Islamic Cultural Centre sunga hin mi dozen iemanizat chu an uma hrii a ni a, zantieng tawngtai dinga hi mosque sunga um hai laia a tamlem chu pasal an nih tiin CBC, Quebec Police Constable Etienne Doyon chun a hrii. Islamic Cultural Centre hi Quebec khawpui ding chun Mosque lien tak a ni a, nikum June thla-a Muslim hai holy month Ramadan

huna khan mi thenkhatin hi Mosque tola hin Vawk lu an lo va sie ta a nih. US President Donald Trump in immigration ban a puong hnunga Canada sawrkarin Muslim le refugees hai ta dinga kawt lientak hawng a ni ding thu a puong ve thung sawntawte hnunga hi thil hi tung a nih. Canada ram hin Nov., 2015 le January, 2017 inkar sung khar Syria mi raltlan 39,670 chung zeta a lo laklut ta a nih. Kum 2011 census dungzuiin Canada ram mi 5 peia 1 hai chu Canada rama pieng ni lo, ramdanga pieng an nih.



chi Canada hartna ani thirilin, suknawmnatna, terrorist kut tuor le indona leia raltlan hai a lawmlut zing ding thu a hrii. Germany, Netherlands, Switzerland, Indonesia le Iran hai khawmin Trump a thutluka chu nasataka an sawisel thu an puong. Liemtah Zirtawpni khan, Donald trump chun Iraq, Syria, Sudan, Iran, Somalia, Libya le Yemen haia inthawk ni 90 sung US lut khapna thuan suo a, refugee zieklutna dan a nei chu ni 120 sung a sukchawl a, Syria a inthawka raltlan khawm thu nawk um hma poa dingin a khap bawk a nih. Donald Trump in thutlukna a siem chungthua mi tam takin sawiselna an siem lain, Trump chun Muslim khawpui 7 haia inthawk US lut khapna chu Muslim banned ani naw thu a hrii. America chu immigrants hai zara rambung uong tak ani a, chuleiin, harsatna leia mani ram suoksana lut ding hai chu zangaina inlangtir pei la ning a tih. Ramri le America ram mi hai humhalna dingin tuhina thaw phawt a ngai a nih. America chu mihoisen le zalen hai hmunpui ani hlak a, a la ni rawp ding a nih tiin Trump chun a hrii. Trump chun sakuona thil le inzawmna a nei naw thu a hrii a, terrorist thil le inzawma thaw ani thirilin, a hmalakna leini America a him pha ding thu a hrii.

Miss France Iris Mittenaree kuomah Miss Universe lallukhum

MANILA: January 29, 2017 zan khan Philip-pines khawpui Manila hmuna Miss Universe Pageant nei a ni a. Hi hunu hin khawvel rambung tum tum aiawa fuonkhawm nunghak hmeltha, piengnal 85 hai khumkhelin Miss France Iris Mittenaree (24) chu Miss Universe 2017 dinga thlang a ni a, Miss Universe hlui Pia Wurtzbach of Philippines chun Miss Universe lallukhum inkhumtirna a nei. Miss Haiti (Raquel Pelissier) le Miss Columbia (Andrea Tovar) hai chu first le second runner-up an



nih. India ram aiawa thang Miss India Roshmitha Harimurthy chu top 13 a khawm a thang phak ve nawh. Top 13 finalist-a thang phak rambung hai chu - Kenya, Indonesia, Mexico, Peru, Panama, Colombia, Philippines, Canada, Brazil, France, Haiti, Thailand le U.S hai an nih.

Lady Diana Lim Kensington Palace ah

LONDON: Princess of Wales Lady Diana thia inthawka kum 20 tingna le inzawmin a nauhai Prince William le Harry ditdanin an lu nim (statue) hi Kensington Palace ah inthut ning a tih. An unaua thusuok siemin, "Kan nu thia inthawkin kum 20 a lo ni taa, UK le khawvel pumpuia impact a nei dan hriezingna dingin a lim ker (permanent statue) siem nisien kan tih a. Kan nu khan mi tamtak lungril le hringnun a them a. Mi'n an hung hmu pha iemai takin a thangpui tawil kan beisei a, kum 2017 bo hma ngeia sukpuiling kan inbeisei" tiin an hril. Kensington Palace hi mipui lut theina a nia chu complex area po hi Princes William le Harry hai umna a nih a, hi lai hin inthut tum a nih. William chu a nuhmei Kate le an nauhai Prince George (3) le Princess Charlotte (1) hai leh an um a, Harry a khatin. Lady Diana khawm kha Kensington Palace ah umin a nauhai a enkawl seilien a nih. Prince Charles le an inthe hnung khawmin a la um zing a nih.



August 31, 2017 hi a thi champha kum 20 tingna ding a ni tah. Khawvel pumpuia a charity sinthawhai lein an lar em em lain kum 36 mi chauh a ni lai, William le Harry khawm kum 15 le 12 mi chauh an la nih, August 31, 1997 khan Paris car accident-in a thi a nih. A ngaizawng Dodi AlFayed leh chanchinbu mi thla latu paparazzi hai tlanan an tumnaah tuoksiet tuokin an thi ve ve a. Diana vuina program kha mi 2.5 billion-in TV ah an en.

an tih" tiin hril. Member paruk umma Committee-a hin Diana unaua Sarah McCorquodale le a ruoltha Julia Samuel hai khawm an thang. February a inthawkin Historic Royal Palaces chun Diana thuomhnaw hai pholang tan a ta. Favang ah White Garden siem ni bawk a tih. Naupang le leirawl hringnun siemdanglamna kawnga sin thaw thahai lawmman dingin The Diana Award inhlun ni bawk a tih. CEO Tessi Ojo chun, "Tuta naupang le leirawl tamtak hi Diana thi khan an la pieng nawa chu a thil thaw le kuthnung le chanchin hai a inthawkin kan inhmehrietir a. A zaidamna le nunnemna, vantlang ta dinga an pekzona le miretheihai a thangpui dan haia entawn dingin kan inzirtir a nih" tiin a hril. "Diana legacy kha hlu kan tih a, vawngnim tiat thain kan hriet a nih. Society kha a sukdamngam takzet a, ei thil thir dan le khaw ngat chemin a ni sukdamngam pek a, zaidamna le nunnemna nasatakin a suklanga, thamna leh. Mipuihai kuomah thamna le zaidamna hai hi chite bek ei sukpong ve thei a nih ti hi hrilhril kan nuom tak a nih" tiin a hril bawk.

Charlotte McKinney Nene Operation Tum

LOS ANGELES: "Bay-watch" star Charlotte McKinney chun a naupang le leirawl laia inthawkin ruol han nasatakin an sawisak hlak a, a sikul kai khawm a chawl pha hlwl niin Ocean Drive magazine a hril a. A nene a lien taluo tia sawisakna a tuok rawn bakah a rik taluo hlak lein operation thaw dam a lo lungril niin a hril bawk.



Kum 23a upa McKinney chun, "Nuhmei ruoltha ka nei nawh a. Ka ruolhai chu pasal vawng an nih. Mi tamtakin 'slut' an mi tih a, nuhmei nisi pa deu damin an mi ngai hlak. Ka la nau-pang si, ka nene an thang hril si, law dan ding ka hril naw a ni deu tak" tiin a hril. "Ruolhai mi sawisak ngun lein sikul ka chawl a. Nuhmeihai an mi hmusit bik a, Party ka fe a, beer dam an mi lo bur khum hlaka, sawisakna ka tuok rimsi thei em em. Neka nau-pang sawisak ka tuok nasa lein ka dit nawh a. Chulein, mani neka nau-pang sawisakna (bul-lying) hi sukbo a ni theina dingin theitawpin hma ka lak a nih" tiin a hril a. "Tulai khawm hin mani neka nau-pang sawisakna hi a la hlur em em a, abikin social media haia khawm a hlur a, thil thanaw tak sukbo vat dinga tha a nih" tiin a hril bawk. McKinney hi "Baywatch" ah Dwayne Johnson leh an chang dun a. A nene a lien tha bawk a sexy bawk lein a hlawtling hle a. Fiemthu thutakin "Nene operation i la nuom am?" an ti a. "La ngaituog ka tih. Diet lein a chin met taa, iem a hung ang pei ding?" tiin a dawn.

Kendal Jenner-in Photography Inhnik tan

LOS ANGELES: Mi inlar ei tihai hi thiemma chi khat chau an nei naw lei dam a lo nih nuom khawp el. Keeping Up With The Kardashians star le high-fashion model Kendall Jenner chun camera hmatiega uma modelling thaw chau ni lovin camera hnungtiengna uma photographer ni khawm an hawi hmel am tiin a ensin mek a. A them them hle niin an lang.



Kum 21 chauva upa Kendall Jenner hin LOVE magazine cover-a dingin thla a lak a, chu laia pakhat chu super-model Cindy Crawford naunu Kaia Gerber a nih. Photo Journalist le photographer them tak takhai thla lak le a danglam a um chuong

an hnik lem el ta'm a nih tia an indawna ruok chu, "Ni love! Ni lo ni lo. Model tieng ka lan hnik lem daih. Nonstop ka nih. Amiruokchu, photography hi hang thaw sin ve reng renga ensin ka nuom lei a nih a, ka hang ensin ve a nih" tiin a hril. Kendall Jenner hin hi thu hi Harper's Bazaar kum 150 tingna le inzawma Most Fashionable Women lawmna, editor-in-chief Glenda Bailey-in a host Sunset Tower Hotel, West Hollywood-a an nei huna a hril a nih. Milar tamtak Miranda Kerr, Ireland Baldwin, Elle Fanning le Juliana Hough, Salma Hayek, Ciara le Hilary Duff hai khawm an thang.

Producers Guild Awards 2017 Puong A Nih

LOS ANGELES: Film produce tiengna hmalatu bikhai ta dinga chawimawina insangtak 28th Annual Producers Guild Awards 2017 chu Beverly Hilton Hotel, Los Angeles ah nei a nih a. Movie ah chu musical drama "La La land", "Fences" le "Hidden Figures" han hma an thuo i a. TV categories ah chu Game of Thrones, The People v. O.J. Simpson: American Crime Story le Atlanta hai thlang suok an nih. Category hran hrana Award dawngthuai chu a hnuoia hai hi an nih: Milestone Award: Tom Rothman Norman Lear Achievement Award in Television: James L. Brooks David O. Selznick Achievement Award in Theatrical Motion Pictures: Irwin Winkler Stanley Kramer Award: Loving Visionary Award: Megan Ellison



The David L. Wolper Award for Outstanding Producer of Long-Form Television: The People v. O.J. Simpson: American Crime Story The Award for Outstanding Producer of Non-Fiction Television: Making a Murderer The Award for Outstanding Producer of Competition Television: The Voice The Darryl F. Zanuck Award for Outstanding Producer of Theatrical Motion Pictures: La La Land The Danny Thomas Award for Outstanding Producer of Episodic Television, Comedy: Atlanta The Award for Outstanding Producer of Live Entertainment & Talk Television: Last Week Tonight The Award for Outstanding Children's Program: Sesame Street The Award for Outstanding Sports Program: VICE World of Sports & Real Sports with Bryant Gumbel The Award for Outstanding Digital Series: Comedians in Cars Getting Coffee The Award for Outstanding Producer of Animated Theatrical Motion Pictures: Zootopia The Award for Outstanding Producer of Documentary Theatrical Motion Pictures: O.J.: Made in America The Norman Felton Award for Outstanding Producer of Episodic Television, Drama: Stranger Things

Sports:

SPANISH PREMIER LEAGUE SUPER SUNDAY RESULTS Barcelona an hrat zo naw zan Real Madrid chun point pathum hmuin hma an thuo i zawm pei

Spanish Premier League, Primera Division le La Liga ti dama ko chu Pathienni zan khan inkhel pali a um a, hi inkhel palihaia hin a renga belkhwamin goal 12 tawp a lut. A hmasaah Barcelona chun Real Betis hne zo lovin 1-1 in an inangpui a, chu hnungah Real Madrid chun Real Sociedad hai an lo mikhuol a, 3-0 tawpin an lo hne lein table-ah hma an la thuo i zawm pei. Barcelona neka wawikhat inkhel tlawm lemin point paliin an insang lem. Hi taka goal thuntu-hai chu Mateo Kovacic (38'), C.Ronaldo (51') le Alvaro Marata(82') hai an nih. Minute 74 naah Real Sociedad tieng Inigo Martinez chun an hrat naw naksapah Red Card a hmu bawk. Real Sociedad hai ruok chu pangana an la ni zing ve thung.



Chun, Title inchu ve zing Sevilla le Espanyol an inkhel nawk a, Sevilla chun hnena chang zo lovin 3-1 tawpin an hrat naw lem. Inkhel tan a ni char minute hninaah Sevilla player Nicolas Pareja chun Red Card a hmu ngahal a, inkhel hun sung po po mi 10 chau an thang tina a nih. Chu Red Card zo char minute 4 naah Jose Antonio chun Penalty a thun a, chu goal chu Steven Jovetic-in minute 20naah a hung rul a, half hma char Minute 45 naah Espanyol tieng chun Mark Navarro hmangin goal an thun nawk a, chu hnung minute 73 naah Gerard Moreno chun Espanyol ta ding bawkin goal a thunsa lein Sevilla ta dingin beisei a um ta nawh. Real Madrid hnawt zingtu Sevilla an hrat naw a, Barcelona an hrat naw bawk lein Real Madrid ta ding chun lawmum hleng a tih. Tuhin Sevilla hi point 42 nein Barcelona leh an inang mek. Espanyol ruok chu pakuona an ni mek ve thung.

Hockey India in PHF ngaidam hnina lekha an ngen

NEW DELHI: Hockey India chun, Pakistan Hockey Federation (PHF) haiin ngaidam hnina lekha felfai taka an siem hma chu bilateral series inkhel pui ta lo dingin Thawleeni khan thutluka an siem. Hi thil hi 2014 Champion Trophy laia Pakistan player hai an che mawinaw leia India hai hin an phut a nih. Kha hma khan Pakistan Hockey Federation(PHF) Secretary Shahbaz Ahmad khawmin India hai kuoma sawisalna alo pekta reng a nih. Champion Trophy 2014 tum khan Pakistan hai hin India hai semi-final-ah an hnezo hnungin an zakuo hai hilipin mipui hma-ah chapo takin an lo khawsa a nih. Pakistan hai chun hien-



ga an che mawinaw lei hin World Cup 2016 innkhel tirloa um an ni ti hai sien khawm Hockey India hai ruok chun visa an hmu ut naw leia inkhel lo an nih, an ti ve thung.

Ahmasatana dingin Sport Museum hawng

KOLKATA: Indiaa ahmasatana dingin Pathienni khan Kolkata khawpui-ah Sport Museum chu hawng alo ni tah. Hi museum hi cricket inkhel them Sourav Ganguly le Sachin Tendulkar han hawngna an nei. Anni baka hin Olympic-a gold medal latu, shooter Abhinav Bindra, shot put hrat Deepa Malik le javelin dengthiem Devendra Jhajharia hai an thang tawl. Hawngna aum hin kum 25 liemta laia cricket them hlui Boria Majumdarin cricket le inzawma a thil-hlui lakkhawm hai suklangna nei a nia, hi baka hin thil hlui inchitlak tak tak; hockey, football, Olympic le Paralympics haia in-



thawk la suklang pei ning a tih. Tendulkar chun hmalaktu hai an pakzie hrilin, "Bradman le Lord museum haia ka lo feta chu cricket le inzuol chaua sie ani lein ami suklhim zo nawh, tuta ruok hi chu sport po po ta dinga siem ani lein a mi suklphur hle a nih" tiin a hril. Hi museum hi Ambuja Neotia Group hai hmalaknaa tunding niin, en/lut man mi pakhata Rs. 100 pei le student hai ta dingin Rs. 50 pei ning a ta, mipui ta dingin trophy lakna hmasatnak a ni lein ka lawm hle a nih. Mariska khawm an khel tha hlea, player thatak a la hung ni ngei ka beisei" tiin a hril. Hi hma hin Sindhu hin PBL-ah khawm title alo lakta bawk a nih. Men's Single tieng panga, 5-11 in inhnui lem

PV Sindhu le Sameer Verma in Syed Modi Grand Prix Gold Title lak



LUCKNOW: Syed Modi International Grand Prix Gold tournament chu Pathienni khan lo tumtiekin badminton inkhel them PV Sindhu chun a khingpui Gregoria Mariska chu 21-13, 21-14a hnein women's singles title chu a lo lak tah. Tuta a tilte lak hi tukum a international title lakna hmasatnak a nih. World No.9 Sindhu hin "tukum sunga international tournament trophy lakna hmasatnak a ni lein ka lawm hle a nih. Mariska khawm an khel tha hlea, player thatak a la hung ni ngei ka beisei" tiin a hril. Hi hma hin Sindhu hin PBL-ah khawm title alo lakta bawk a nih. Men's Single tieng panga, 5-11 in inhnui lem sien khawm, Sameer Verma chun theitawp hung suo tharin, a ram chanpui B Sai Praneeth chu hung dang kirin men's single title chu a hung changta a nih. Women double-ah; Brizila-a le Russia-a Grand Prix title Pranaav Jerry Chopra le N Sikki Reddy hai chun an khingpui Ashwini Ponnappa le a kawppui B Sameer Reddy hai chu 21-16 21-18a hung vuok dawkin women double title an hung lak nawk bawk a nih. A tawp taka, London Olympia silver medal latu Mathias Boe le Carsten Mogensen hai chun an khingpui Chinese Taipei's Lu Ching Yao le Yang Po Han hai chu 21-14 21-15a hnein men's double title an hung lak ve thung.

AFRICAN CUP OF NATIONS QUARTER FINAL RESULTS

Egypt le Ghana Semi Final an kai

Burkina Faso le Cameroon Semi Final an kai zovin Pathienni zan khan Egypt le Ghana hai chu Semi Final an inhlankai ve. Egypt hai hin Morocco an inhnelpui a, hun tawp tawm minute 87 naah Mahmoud goal pawimaw tak hman-gin 1-0 in an hne a. Kum 7 hnunga Semi Final an kai nawkna hmasa tak a nih. Egypt le Ghana Semi Final an kai le inruolin African Cup of Nations chanchina hlawtlingna chang rawn tak team pathum - Egypt, Ghana le Cameroon hai an nih. Egypt hi wavi 7 an Champion tah a, Ghana le Cameroon hi wavi 4 ve ve Champion tah an ni bawk. Anachu Egypt ta dinga beidawng um deu pakhat chu goalkeeper hman-gin tlak

pakhat char an nei mek a nih. Khawm chu tuta Tournemant fe meka upa tak, kum 44 mi Essam el-Hadary a nih. Ama hi a hliem vai chun harsatna nasa tak tuok an tih. Morocco hai an tlak le inruol hin an Coach Herve Renard chun team hran hran pathuma lawmman dawng a beiseina a bo hri phawt a nih. Ghana le DR Congo inkhel khawm em an hawi hle a, vangeithlak takin Ghana hai chun 2-1 in an hne a nih. Hi taka Ghana tiengna goal thuntu-hai hi Ayew hai unau an ni nghe nghe. First Half zo minute 63 naah Jordan Ayew chun Ghana ta dingin goal hmasa a thun a, chu hnung minute 78 naa Adre-Ayew chun goal dang (Penalty) a th-

unsu bawk. Chu hma chun Congo tieng chun goal khat an lo thun bawk. Ghana hai hin Semi Final wavi 4 an hrat naw ta a, Finalah wavi 3 an tla ta bawk a, tukum hin champion ngei inbeisei an nih. Semi Finala hin Ghana le Cameroon inhmaitawn an ta, Egypt le Burkina Faso hai inmasuon ve thung an tih. Coup de France Fixture: 31 Jan 2017 Sarreguemines Vs Niort Le Poire Sur Vie Vs Strasbourg Lille Vs Nantes Chateauroux Vs Lorient Bergerac Vs Lens Bordeaux Vs Dijon Quevilly Rouen Vs Consolat Marseille Time: 22:30 (for all matches)

FA CUP 4th ROUND RESULTS

Manchester United awlsam deuin 5th Round an kai

FA Cup tournament fe mekah Pathienni zan khan inkhel sunzawm a nih a, Millwall chun Premier League Club Watford an lo mikhuol a, hun tawp hma met minute 85 naa Steve Morison goal hmangin hratna an lo chang a, 5th round an kai. Chum Fulham chun Premier League Club tho Hull City an mikhuol ve thung a, 4-1 tawpin hratna an chang a, Premier League Club Watford an muolpho let der. Chun, League tiengna inlang phak lo Sutton United chun tu ring phak lovin Leeds United hai an lo hne bawk lein 5th round an kai ve. Hi taka goal thuntu hi



Jamie Collins a nih. Minute 51 naa Penalty-a a thun a nih. Leeds United tieng chu an hrat naw naksapah minute 82 naah Yelow Card pahni hmu lein Liam Coppinger chun Red Card a hmu bawk. Inkhel nuhnungah Manchester United le Wigan Athletic an inmasuon a, awlsam deuin United chun 4-0 in an lo hne. Manchester United ta dinga goal thuntu-hai chu Fellaini (44'), Chris Smalling (57'), Mkharyan (74') le Schweinsteiger(81') hai an nih.

SC in BCCI thuoitu thar a ruot

NEW DELHI: BCCI President le thuoitu dang dang hai peitlak an ni hnungin Supreme Court chun BCCI enkaitu dingin Comptroller and Auditor General hlui Vinod Rai chu zanikan a lo ruot fel tah. Ama baka hin BCCI enkaitu dingin; cricket them hlui Ramachandra Guha, CEO & MD of Infrastructure Development Finance Company (IDFC) Vikram Limayand le In-

dian women cricket captain hlui Diana Edulji hai an ruotsa. Hi baka hin, ICC executive meetinga BCCI representu dingin Amitabh Chaudhary, Anirudh Chaudhary le Vikram Limaye hai an ruot sa bawk. Amiruokchu, Court chun "ruota um hai hin BCCI le inzawmin hma la pei theinaw ni haia, anni hai hi ICC meeting le inzawm chaua ruot an nih" tiin thusuok a siem.